



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԱԶԳԱՅԻՆ ԱՆՎՏԱՆԳՈՒԹՅԱՆ ԾԱՌԱՅՈՒԹՅԱՆ  
ՏՆՕՐԵՆԻ ՏԵՂԱԿԱԼ**

ք. Երևան, Նալբանդյան 104

« 24 » 02 2026թ.

N 20/156

Օր. N 1

«Մաքս Շին» ՍՊԸ-ի  
տնօրեն Վ. Պետրոսյանին  
Հասցե՝ ՀՀ, Երևան-Էջմիածին խճուղի, 12 շենք  
ՀՎՀՀ՝ 04436799  
Էլ. հասցե՝ [maxshin2021@mail.ru](mailto:maxshin2021@mail.ru)

**Հարգելի՛ պարոն Պետրոսյան**

ՀՀ ազգային անվտանգության ծառայության (այսուհետ՝ Գնորդ) և «Մաքս Շին» ՍՊԸ-ի (այսուհետ՝ Վաճառող) (ՀՎՀՀ 04436799, գործունեության հասցե՝ ք. Երևան, ՀՀ, Երևան-Էջմիածին խճուղի, 12 շենք) միջև 14.04.2025 թվականին կնքվել է N «ՀՀ ԱԱԾ-ՏՆՏՎ-ԷԱԾԱՊՁԲ-25/1-ՏՆՏ2-5» ծածկագրով պայմանագիրը (այսուհետ՝ Պայմանագիր) համաձայն որի՝ Վաճառողը ստանձնել է ներքոհիշյալ **\*Աղյուսակ 1-ում** ներկայացվող ապրանքների մատակարարման պարտավորությունը (այսուհետ՝ Ապրանք)՝ համաձայն Պայմանագրի անբաժանելի մասը կազմող N 1 հավելվածով սահմանված տեխնիկական բնութագրի և N 2 հավելվածով սահմանված մատակարարման ժամանակացույցի պահանջների:

<b>*Աղյուսակ 1</b>									
Կրկնվող նախատեսված չափարանի համարը	գնումների պլանով նախատեսված միջանցիկ ծածկագիրը՝ ըստ ԳՄԱ դասակարգման (CPV)	անվանումը	Ապրանքի				մատակարարման		
			ընդհանուր գինը / ՀՀ դրամ	միավոր գինը / ՀՀ դրամ	ընդհանուր քանակը / չափման միավորը		հասցեն	ներթակա քանակը	ժամկետը
					քանակ	միավոր			
7	44511270/1	մուրճեր	148200.00	4940.00	30	հատ	ք.Երևան, Արին Բերդի 3 նրբ. N5	30	30.05.2025
11	44511100/2	ծեղքի գործիքներ	97200.00	4860.00	20	հատ	ք.Երևան, Արին Բերդի 3 նրբ. N5	20	30.05.2025
60	44163200/1	խողովակների միացման մասեր	158400.00	198.00	800	հատ	ք.Երևան, Արին Բերդի 3 նրբ. N5	800	30.05.2025
61	44163200/2	խողովակների միացման մասեր	158400.00	198.00	800	հատ	ք.Երևան, Արին Բերդի 3 նրբ. N5	800	30.05.2025

70	42941110/1	վառարաններ — դրանց պարագաներ	972000.00	24300.00	40	հատ	ք.Երևան, Արին Բերդի 3 նրբ. N5	40	30.05.2025
71	42941110/2	վառարաններ — դրանց պարագաներ	99600.00	996.00	100	հատ	ք.Երևան, Արին Բերդի 3 նրբ. N5	100	30.05.2025
101	31521170/1	գրպանի լապտերիկներ	98400.00	4920.00	20	հատ	ք.Երևան, Արին Բերդի 3 նրբ. N5	20	30.05.2025

Պայմանագրի 1.1 կետի համաձայն՝ Վաճառողը պարտավորվել է Պայմանագրով սահմանված կարգով, ծավալներով, ժամկետներում և հասցեով Գնորդին մատակարարել Պայմանագրի N 1 հավելվածով՝ տեխնիկական բնութագրով նախատեսված ապրանքը՝ Պայմանագրի N 2 հավելվածով սահմանված մատակարարման ժամանակացույցին համապատասխան:

Պայմանագրի 2.4.1 և 2.4.4 կետերի համաձայն՝ Վաճառողը պարտավորվել է Գնորդին հանձնել ապրանքը՝ Պայմանագրով նախատեսված կարգով, ծավալներով, ժամկետներում և հասցեով:

Պայմանագրի N 2 հավելվածով սահմանված մատակարարման ժամանակացույցի համաձայն՝ N 7, 11, 60, 61, 70, 71, 101 չափաբաժիններով Ապրանքների մատակարարման ժամկետ է սահմանվել՝ մինչև 30.05.2025թ.:

Վաճառողը 25.12.2025թ. գրությամբ հայտնել է Գնորդին, որ 2025թ. ապրիլի 14-ին «Մաքս Շին» ՍՊԸ-ի և ՀՀ ազգային անվտանգության ծառայության միջև կնքված «ՀՀ ԱԱԾ-ՏՆՏՎ-ԷԱՃԱՊՁԲ-25/1-ՏՆՏ2-5» պայմանագրի շրջանակում N 60 չափաբաժնով՝ 158400 (հարյուր հիսունութ հազար չորս հարյուր) ՀՀ դրամ ընդհանուր գումարի նախատեսված 800 հատ խողովակների միացման մասերի և N 61 չափաբաժնով՝ 158400 (հարյուր հիսունութ հազար չորս հարյուր) ՀՀ դրամ ընդհանուր գումարի նախատեսված 800 հատ խողովակների միացման մասերի մատակարարումը չի կարող իրականացնել, քանի որ նշված ապրանքները շուկայում առկա չեն, ուստի Վաճառողի կողմից հնարավոր չէ մատակարարել Պայմանագրով նախատեսված խողովակների միացման մասերը:

ՀՀ քաղաքացիական օրենսգրքի (այսուհետ՝ Օրենսգրք) 347-րդ հոդվածի համաձայն՝ պարտավորությունները պետք է կատարվեն պատշաճ՝ պարտավորության պայմաններին, օրենքին և այլ իրավական ակտերի պահանջներին համապատասխան: Օրենսգրքի 408-րդ հոդվածի համաձայն՝ պարտավորության խախտում է համարվում այն չկատարելը կամ անպատշաճ (կետանցով, ապրանքների, աշխատանքների և ծառայությունների թերություններով կամ պարտավորության բովանդակությամբ որոշվող այլ պայմանների խախտմամբ) կատարելը:

Հիմք ընդունելով, «Մաքս Շին» ՍՊԸ ընկերության 25.12.2025թ. գրավոր հավաստումը՝ Պայմանագրի N 60 և 61 չափաբաժիններով ապրանքի մատակարարումից հրաժարվելու մասին և Պայմանագրի 8.11 կետը, ՀՀ ազգային անվտանգության ծառայությունը միակողմանի մասնակի՝ չմատակարարված N 60 և 61 չափաբաժինների ապրանքների մասով լուծում է 14.04.2025 թվականին կնքված N «ՀՀ ԱԱԾ-ՏՆՏՎ-ԷԱՃԱՊՁԲ-25/1-ՏՆՏ2-5» ծածկագրով պայմանագիրը:

«Գնումների մասին» օրենքի (այսուհետ՝ Օրենք) 6-րդ հոդվածի 1-ին մասի 6-րդ կետի «ա» պարբերության համաձայն՝ **մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը, և մասնակիցը հրավերով և (կամ) պայմանագրով սահմանված ժամկետում չի վճարել հայտի, պայմանագրի և (կամ) որակավորման ապահովման գումարը:**

«Գնումների մասին» օրենքի 6-րդ հոդվածի 1-ին մասի 6-րդ կետով նախատեսված հիմքերն ի հայտ գալու դեպքում պատվիրատուի ղեկավարի պատճառաբանված որոշման հիման վրա լիազորած մարմինը մասնակցին ներառում է գնումների գործընթացին մասնակցելու իրավունք չունեցող մասնակիցների ցուցակում:

Տեղեկացնում ենք, որ եթե ՀՀ ազգային անվտանգության ծառայությանը որոշումը ներկայացվելու վերջնաժամկետը լրանալու օրվա դրությամբ Դուք վճարեք պայմանագրի և (կամ) որակավորման ապահովման գումարը, ապա ՀՀ ազգային անվտանգության ծառայությունը Ձեզ գնումների գործընթացին մասնակցելու իրավունք չունեցող մասնակիցների ցուցակում ներառելու պատճառաբանված որոշում չի կայացնի և չի ներկայացնի լիազորված մարմին:

Բացի այդ, «Մաքս Շին» ՍՊԸ-ն պարտավոր է սույն ծանուցումը ստանալուց հետո 5 (հինգ) բանկային օրվա ընթացքում ՀՀ ֆինանսների նախարարության կողմից բացված գանձապետական 900005028106 հաշվեհամարին Պայմանագրի 6.2 և 6.3 կետերի համաձայն փոխանցել **25185.6 (քսանհինգ հազար մեկ հարյուր ութսունհինգ դրամ վաթսուն լումա) ՀՀ դրամ՝** որպես տույժ և տուգանք:

Հաշվի առնելով վերոգրյալը՝ N «ՀՀ ԱԱԾ-ՏՆՏՎ-ԷԱՃԱՊՁԲ-25/1-ՏՆՏ2-5» ծածկագրով պայմանագրի որակավորման և պայմանագրի ապահովումները, գնումների մասին ՀՀ օրենսդրությամբ սահմանված ժամկետում, ամբողջությամբ վճարվելու դեպքում, այդ մասին անհրաժեշտ է գրավոր տեղեկացնել ՀՀ ազգային անվտանգության ծառայությանը՝ կցելով վճարումը հավաստող փաստաթուղթը (անդորրագրի բնօրինակը):

**Տեղեկացնում ենք, որ եթե «Մաքս Շին» ՍՊ ընկերության (ՀՎՀՀ 04436799, գործունեության հասցե՝ ՀՀ, Երևան-Էջմիածին խճուղի, 12 շենք) կողմից վճարման ենթակա գումարները (պայմանագրի կատարման ապահովման գումարը՝ 32000 (երեսուներկու հազար) ՀՀ դրամ և որակավորման ապահովման գումարը՝ 48000 (քառասունութ հազար) ՀՀ դրամ փոխանցվեն ՀՀ ֆինանսների նախարարության կողմից բացված 900005000758 գանձապետական հաշվեհամարին, ապա Ընկերության նկատմամբ չեն կիրառվի «Գնումների մասին» օրենքի 6-րդ հոդվածի 1-ին մասի 6-րդ կետով և նույն հոդվածի 2-րդ մասով նախատեսված՝ ընկերությանը գնումների գործընթացին մասնակցելու իրավունք չունեցող մասնակիցների ցանկում ընդգրկելու վերաբերյալ համապատասխան գործողություններ:**



Ա. Հակոբյան